

安徽五縣志集成

中國地方志集成

民國五十年續編志集總

宣統建德縣志

中國地方志集成

安徽府縣志輯 ⑥③

宣
統
建
德
縣
志

民
國
石
埭
備
志
彙
編



江蘇古籍出版社 ● 上海書店 ● 巴蜀書社

責任編輯 王華寶
封面設計 范一辛
美術編輯 姜 嵩

中國地方志集成

安徽府縣志輯⑥③

出版發行 江蘇古籍出版社

社 址：南京市中央路一六五號

發行部電話：〇二五—三三三三三四六二

郵 編：二一〇〇〇九

印 刷 上海市印刷七廠

定 價 二二二二元

1998年4月第1版第1次印刷

ISBN 7—80519—024—5/K·24

石埭備志彙編目錄

序 陳 綱

叙例 陳 綱

卷一

大事記稿 倪文瀾 蘇松補編

卷二

山川志初稿 陳綱 倪文瀾補

卷三

人物志初稿 蘇松補編

人物志初稿 蘇松補編

石埭備志彙編 目錄

卷四

金石志稿 蘇松補編

金石志稿 蘇松補編

卷五

藝文志 蘇松補編

卷五

藝文志 蘇松補編

卷五

藝文志 蘇松補編

序

余自二十歲出交海內十大夫七十寓居天津今十有二年交陳一甫觀察...

自少至老能一教其所經世變與人同所交王公貴族以及富貴貧賤之士與人同而立身

特與人異因嘗讀其石埭備志彙編不可不詳言其人之大略其一曰儉凡奢靡繁費向所

不爲人事迭更而一甫獨行吾素一曰孝其先大夫逝世久矣而孺慕不衰特爲百歲紀念

之舉徵取時賢文字輯成巨集觀其先人猶生存於世也唯因儉而後有餘資乃爲旆濟之

事凡遇災荒及造永濟大橋以拯人命恒不惜捐金巨萬皆人所周知者人所不知之善

事亦亦不得而知也性喜遊以十大夫之身布衣草履國內名勝登涉幾遍又及日本未已

也將屆七十之年猶爲歐美之遊歸著紀遊巨編印以餉世俾人人知外國之禮俗夫務馳

石埭備志彙編 序

域外之觀者恒遺落其鄉里之僻隘而一甫獨爲於桑梓之誼石埭文獻以所注念因而從

事博採無間靡不有疑難輒咨訪通人務求徵實余見其十年之閒儂焉孳孳爲備志之

稿數經易寫不以爲苦此何所爲而爲者蓋由其孝之一念推而行之也夫吾孔子嘗稱禹

吾無間然非衣惡食而致孝乎鬼神也孝也禹學也一甫其禹之徒歟一甫生當末造無

尺寸之柄備善其身與家以及其鄉縣人未知其本儉與孝二者而出故序備志彙編詳言

之方今世變之大幾前後五季而加劇人人反儉與孝之風更烈一甫一手所不能障亦祇

其書以待其人而已耳辛巳重九節八十一叟章校

力志之書史家具體所難得者資料及好古敏求之人任其事爾吾鄉同治季年邑人汪海

翁纂上江兩縣志其時大難初平文獻尙易求索已致歎於採訪之艱蓋官書有程分纂者

之見聞有限則以先事無人籌備也余少時與同學諸君屢議分門廣續爲之因循未果其

後遊宦客授坐荒歲月上年開闢旋里亦頗有紀述以恭桑梓特表亂之後故老凋零紀載不備會垣方聞之士逝者九原存者千里深以無從藉手爲憾茲一甫觀警出所著石埭備志發編見示而問序於余余受而讀之既欽其善繼父兄之志又好古敏求獨爲其難史公所謂幕義無窮者君其人也金君息侯當代立言君子嘉君孝義爲作生傳並於備志藝文各門多所是正書凡一二萬餘言始於民國戊寅成於辛巳中開事變相尋石埭令長數易紳耆散之四方幾致中輟君鏗而不舍用志不給物力之匱貨請監河誤書之思繼之日夜同輩慶幸親書之成而不知君力之瘁也後世執筆以志石埭者可無吾邑悔翁之歎矣因憶章實齋文史通義有州縣設立志科之議後人證其言而不能行吾以爲用章氏之法而又得如一甫者任其事由邑而郡而備於行省史學必日進於昌明余雖篤老猶將拭目俟之辛巳七月上元顧祖彭

石埭備志彙編

序

昔孔子言夏殷禮而以文獻不足慨然於杞宋之不足徵歸震川氏曰文獻之於世其可少乎哉是故大而省郡小而州邑莫不有志乘焉信於今而傳於後若夫徵文考獻筆之於書以待修志者之採錄則士大夫之責也吾皖自清咸同兵燹後典籍蕩然名都大邑率多病記載之殘缺近二三十年來干戈相尋未遑制作修志之議闕焉益無所聞此邦人士所稱竊引爲深愛者石埭陳丈一甫思散佚之日久而百千後世茫無稽攷也凡關於其邑之掌故網羅蒐集細靡遺積年累月成爲是編石埭山水人物之盛多可紀述如飛龍如鳳嶺如唐之杜荀鶴明之湯文瑩皆舉筆者自茲以往雖不必涉其境而地之靈人之傑舉慨然呈諸心目間詩云雜桑與梓必恭敬止一丈蓋有之矣抑吾鄉賢士大夫倘聞風興起各就其邑之山川草木衣冠文物一一哀而錄之他日彙爲省志謂非蔚然一巨觀耶然則是編之成匪獨有功石埭且裨於全皖者實厚焉先民有言君子不忘乎鄉而後能及於天下

丈愛鄉如此推其所至則天下之被其澤也又當何如哉辛巳九月合肥張心洪

修史修志以搜集故事爲難搜集全筆則事簡則割計日可成余昔修清史及奉天黑龍江三省志皆先集故事總彙而分纂之先後告成皆本斯意不敢忽也吾友石埭陳君一甫留意方志既復刊康熙年舊志更議重修先搜集故事得大事表山川志金石藝文目錄亦各付印並訪錄史傳輯補人物志又以搜錄詩文屬爲餘次余又見其先公百年紀念册併爲選錄數十篇以備補入藝文之用原稿遺稿五百六十餘行此皆志事之難得者也遂力勸彙刊爲續修縣志張本他日志成當再執筆重書其後庶不負一甫究心文獻之苦衷也戊寅秋金榮

石埭備志彙編

序

敘例

邑之有志猶國之有史也昔人謂有良方志然後有良史知言哉余於民國六年從議修不縣縣志酌擬綱目表例及測繪簡章商諸縣長暨鄉里耆舊先從採訪測畧入手時事紛擾編稿未完深引爲憾旋與邑人張君高錄翻印舊志增刊續志及採訪錄近年由倪文植蘇逸農陳棟存三君編訂山川志初稿志稿大事表及金石志稿目錄藝文目錄提要完編擬用備存惟但徵文致獻不厭求詳人物一門關係尤重凡前民之盛業豐功懿行貞操或公積之表彰或私家之記載亟待詳其始末以昭後賢因就安徽通志稿列傳院學編海堂叢書家藏文存北江文集與其他已印行之著述文字其人其事可法可傳者加以甄錄民國十二年癸酉閏五月先大夫序賓府君即世百年之期四方親戚咸以詩文爲導揚語多紀實金君恩侯見之謂廣附後刊布以供資料爲之選錄四十餘篇高誼遠識有足多者

石埭備志彙編

敘例

其餘諸作擬另行彙刊俾光家乘傳君沅叔附序謂收羅撰著則得布宜刻叢書擬拾散亡則備載而輯核建所以勗勉者尤應奉爲圭臬沅叔又謂正學宜崇以起其衰醫院宜拓以救其疾亦多籌備試辦爲人牟謀福利爲方今海城風塵頹頹遠客皆懷邦族人物遽然伸紙抽毫不嫌艱難將來續言紀事則仍以俟大雅宏達之君子嚆矢之投不敢以不文自諉也茲擬凡例如後

一 余蓄意續修縣志已歷年所屢次會商迄未得翔實完備之稿又以愧乏三長未敢造

次從事茲僅彙集資料以備將來修志者之錄擇

一 大事記稿倪君文植蘇君逸農編輯自兩漢迄民國十五年中間時代事蹟有未登載者概付缺如茲就原稿稍加增易漏略仍所不免

一 山川志初稿倪君文植陳君誠臣於民國二十三年編輯係就山脈一條略加更易以

便解目

一 人物志初稿係鈔錄清史及安徽通志與其虛著述之已印行者其不見諸紀載者尙待搜輯
一 金石志稿目錄蘇君於民國十二年編輯原本止列石刻今增入數則
一 藝文志上卷書目提要就蘇君民國二十二年原稿增補條下卷係金君恩侯選錄鄉先達著作必不止此值此世變人民遷徙靡常圖書散佚深以未能廣爲搜輯爲憾
一 族姓譜牒關於藝文人物節孝諸類頗多可採年來交通阻隔城居者泰半避地遷移雖余里居時曾錄縣署檔案與府志乾隆戊戌前尙有可採而此時均無法調查容俟續刊免貽一漏萬之譏
一 本邑十紳對於修志調查頗多資料追於時局無從查取是編係屬草創性質實以時

石埭備志彙編

敘例

日尙擬繼續進行

一 此次搜集編輯校勘各項文字非一人之力所能集事賴有邑人張君味爰張君廣鋒

桂君澄初蘇君劍秋數人俸助始得粗具規模謹記簡端以志雅誼

民國二十七年十月邑人陳惟干

大事記稿

邑人說文

編錄

太史公作史記於世家紀傳外刪繁撮要列爲十表以概括之所以便瀏覽
始置縣茲略師其意就史之可考及事之有徵者自漢迄今分年紀事使本縣之政治沿革
人文盛衰於以約略可視本縣地僻人稀雖不著於世而傑出之士亦代有其人隋之
左離當唐之桂仲武宋之丁麟王錫明之畢爾皆見諸記載清之沈衍慶陳雲舉平生事蹟
宣付史館立傳陳艾亦列傳於安徽通志此外如桂含章之羽翼經傳周毅之學說楊文會
之佛學皆其最著者曾文正公與陳揚諸公相知最深有石埭多君子之語自茲而後願邑
人保存其忠正耿直之秉賦發揮其瑰奇浩博之學術以繼往而開來編者此作遺漏舛誤
在所不免所冀邑之賢達多所匡正俾成信史尤所欣企也

石埭備志彙編

大事記稿

漢

武帝

元封二年壬申始析涇縣西境地置縣於陵陽山麓曰陵陽縣即今之石埭也屬丹陽郡封

劉嘉爲陵陽侯

元封年間曹子明號伯玉涇縣人爲本縣令獲白魚剖之得方書明服食之法遂以石
爲甕具采五石脂以益烹煉三年丹成於中元日上昇事見劉向列仙傳

光武

建武三十年甲寅丁琳徙封陵陽侯子鴻襲

獻帝

建安三年戊寅冬十二月曹操殺呂布以孫策爲討逆將軍封吳侯策自將討相即於陵陽

禽之

建安二十一年丙申郡陽民尤突受曹操印綬陵陽始安涇縣皆與突相應賀齊陸遜討破

突丹陽三縣皆降封周泰爲陵陽侯泰卒子邵襲邵卒弟承襲

三國

吳赤烏中置石埭縣以縣西有三巨石曰頭埭中埭三埭皆橫臥溪中鎖澗溪鴻陵溪管溪

三水不通舟楫故名

晉

武帝

太康二年甲午本縣屬宣城郡

成帝

石埭備志彙編

大事記稿

成康四年戊戌避杜后諱陵改陵陽爲廣陽

梁

武帝

大同十年甲子以場置石埭縣(按石埭在漢爲陵陽在晉改名廣陽隋始省入涇縣則梁

時廣陽未廢不應更立石埭舊志據南梁志謂本漢陵陽石埭涇縣地三國吳置石埭場

梁因置縣隋省入南陵恐有誤)

隋

文帝

開皇九年己巳廢宣城郡置宣州石埭省入涇縣(文領按舊志作者入南陵秋浦查隋書

地理志宣城郡統縣六又在涇之下註云一平陳省安吳南陽二縣入焉有蓋山陵陽山

等語而靈山陵陽山現均屬石埭其稱廣陽為南陽者當為煬帝時避諱之改名而隋書仍之則當時應為省入涇縣矣再查平陳之年為開皇九年正月共得州三十郡一百縣三百故書其年於此

煬帝

大業九年癸巳民苦隋政暴虐瀕涇汪華聞杜伏威竇建德為亂亦起兵逐宣徽徵嚴卷饒等六州牧而據其地時埭屬宣今縣東三里之華村即紀念華之名者或曰華村即歐州城也

大業十三年丁丑境內盜起人不自保汪華死棄推左羅當據涇號總管鎮其地羅當與竇建德決勝東草獲放置中流制敵遂號溪曰羅溪復築城兩重於陵陽山前兼以其有功歐號曰歐州

石埭備志彙編 大事記稿

唐

高祖

武德初左羅當以地歸獻

武德三年庚辰復置安吳南陽二縣置歐州於縣東三里之華村八年廢

武德六年癸未詔授左羅當宣城大都督九州刺史宣德二司節度使封戴國公食邑二千戶十一月舒州總管張鎮州舉輔公廸將陳當世於歐州之黃沙大破之

武德七年甲申二月輔公廸遣兵歐州刺史左羅當嬰城自守安撫使李大亮引兵破公廸壬子行軍副總管權文誨破公廸之黨于歐州拔其枝洞等四鎮

太宗

貞觀十三年己未三月左羅當奏歐州本鄉松子嶺今改屬太平縣地

貞觀十四年庚午左羅當子紹齊加都督襲戴國公孫仲明官都督襲父爵

武后

垂拱三年丁亥宣州申奏左氏祖墓有紫氣

神龍元年乙巳削左氏爵左羅當第三子紹本尚居石埭

玄宗

開元初歐州縣鄉置一學擇師教授杉山國清禪師有戒行屢詔入朝不赴因割三鄉稅租以贖僧乘置倉輸納至今地名貢口溪名貢溪

天寶年間詔訪海內名山福地石埭得列在內故敕於陵陽山建仙壇宮

代宗

永泰二年丙午元和郡縣志載是年洪府都督李勉奏割秋浦青陽涇三縣於吳所置陵陽城置石埭縣(文頌按代宗永泰元年為乙巳翌年丙午即改元大曆不當有永泰二年故張十範池州府志作永泰元年)並置池州石埭屬焉

石埭備志彙編 大事記稿

穆宗

長慶中邑人七里桂仲武立平寇功為福建團練使管轄略或云為益州觀察使又為安南都護

文宗

太和六年壬丁桂仲武葬於園劉再錫有文祭之

懿宗

咸通年間沈幹任本縣令遷家於石埭

僖宗

乾符六年己亥黃巢陷官欽池等州官池刺史查敏字具瞻守官池二郡力拒黃巢及涇川
敗顧閻門義死本縣七都查城里爲節制節節地諸沈聚族賴以保障曾立忠惠祠祀之至
今甲子雖名卸甲嶺者相傳即節拒黃巢於此卸甲故名

中和元年辛丑賊王仲隱自秋浦之赤嶺寇祁門赤嶺今隸石埭爲通祁門要道

光啟二年丙午當黃巢作亂時兵據黃村阪邑人桂盛在七里作礮礮路與里人設險禦之
女金銀遇賊不屈投井殉節至今猶名金銀井（姚志載和州叢移孝考云礮礮路在七

里爲故縣北門昔宋六朝北道在大溪之東車馬交通從秋浦達池州由黃盪至樅陽皆
此一衣帶水唐僖宗光啓二年黃巢作亂里人桂盛恐東道易於馳突改道從西憑險可

固上峭壁下急湍旅人側足而過）

昭宗

石埭備志彙編

大事記稿

五

大順二年辛亥邑人杜荀鶴登進士

景福元年壬子孫備屯陵陽楊行密擊走之

景福二年癸丑邑人杜荀鶴登榜限官至翰林學士知制誥

五代

年代待考西峯祖師童年遊安崇明寺即著靈異後至蓮花峯及杉山隨地卓錫湧泉

便民灌溉至今遇旱人民猶奉祖師祈雨（據舊志載八九都赤嶺口之西峯庵係宋朝

西峯祖師開建云當在宋初之時）

宋

本縣設知縣及尉各一人餘無考自宋朝幕官而出者則稱知縣餘仍稱縣令

太祖

開寶四年辛未宋滅南漢李後主大懼遣弟從善上表于宋請去國號改印文爲江南國主
時南唐奄有安撫之淮南及江西福建等地

開寶七年甲戌宋遣曹彬水陸並進取池州以昇州之銅陵青陽並屬之次年十一月金陵

城陷南唐李後主肉袒降于軍門先是南唐時升池州爲康化軍轄貴池建德石埭三

縣尋復爲池州

太宗

太平興國三年庚寅東流縣原屬江州至是改隸於池州州又隸於江東路

太平興國五年庚辰縣治西三里萬春山建崇壽寺後遷於縣西門改爲觀聖道場南安崇

明寺金城山開福寺均賜額

淳化元年庚寅邑人左嘉善（左繼當第十六世孫）以鄉貢士辟爲御史

石埭備志彙編

大事記稿

六

淳化五年甲午邑人左竭忠（左繼當第十七世孫）薦舉歷任汝南知縣

眞宗

咸平二年己亥邑人左觀國授諫議大夫

仁宗

慶曆初始詔天下州縣皆立學由是歷代相沿不廢

皇祐四年壬辰遷萬春山崇壽寺於西門之迎恩橋爲觀聖道場並賜額焉即今之孔廟址

英宗

治平元年甲辰八九都福慶寺十一二都明覺寺饒益寺均賜額

神宗

年待考邑人華村孫茂恭仕於朝一門同仕者十八人

熙寧八年乙卯大旱八月城內楊家井成井欄上有陳仕會篆文今猶存

哲宗

元祐九年甲戌僧處許在蓮花峯頂開山建海獅庵至致和末琳宮燻燻設像嵯巖

高宗

建炎二年戊申宜興人沃彥以鄉貢進士任本縣令

紹興元年辛酉邑人桂宗振修道於金城洞煉氣服食端坐而化清香滿野

紹興八年戊午邑人王鑑登進士仕至右司員外郎兼直學士院侍講

紹興十七年丁卯邑人王澆(號長子)登進士仕至朝奉大夫成都轉運判官 敕賜舒姑

廟額為顯濟在縣南二十里古澆溪之旁葦山之下先是前漢黃山之下有舒氏三女遇

桃從澆出分食之忽坐化其母為歌歌招魂有朱鯉一雙游泳來迎故名化鯉溪並更澆

石埭備志彙編

大事記稿

七

溪為舒溪

年待考邑人三都駝山夏賈貴位至大將軍居京師敕於里居迎恩樓建第(即今城內夏

家巷)夏氏世居葦山之下橋梁園館甲於一時即今之夏村

孝宗

淳熙十四年丁未邑人丁黼登進士(文頌考縣志以是年為乙酉茲從辭源之附錄作

丁未)文頌又考黃宗憲著宋元學案列了黼為徐誼門人於卷六十一徐陳諸儒學案

中謂黼大父執中徐州人南渡後徐為戰地下居青陽尋遷石埭父泰亨宿儒也自教之

黼氣疎神悟誦言親行遂為徐文忠門下第一忠肝義膽稱明玉潔足以廉頑立懦貞端

人也等語此為宋史及縣志所闕略省志稱列傳已據以訂正特補記于此

寧宗

嘉定七年甲戌邑人賈溪桂大受登進士

嘉定十六年庚午丁黼被召赴行在累官軍器監敷上封事言大臣不法事案進累職以直

秘閣知信州吉州皆有聲德秀為江西巡撫薦之詔遷提刑尋充四川夔州路安撫使

兼知夔州時推蜀城方帥四川關關至官贈詩所謂同志晨星少孤雲暮雨多者也黼蒞

夔故上十事憲大治乃以右文殿修撰充廣西副制置使守靜江

理宗

寶慶二年丙戌桂大受授通判帥後復為本縣尉(張士範池州府志作寶慶三年)遂遷縣

治於七里以四面皆山故不立城郭因掘珠璣為東門南山為南門處嶺為西門礮礮路

為北門越六年致仕後任復遷縣治于陵陽山之下

端平三年丙申丁黼為四川制置使兼公都侍郎兩職於成都府(文頌考宋史列傳忠義

石埭備志彙編

大事記稿

八

九及宋元學案均作嘉熙三年與後贈謚立廟年代不符史有誤)

嘉熙元年丁酉詔贈丁黼光祿大夫顯謨閣大學士諡恭愍即鄉邑立廟祀之 桂大受卒

葬陵陽山即宅下

嘉熙二年戊戌五月丁恭愍公廟落成於山川壇之東賜額曰復忠其子姪輩一時皆仕於

朝明嘉靖十八年丁理始遷祠于四都故居時祠內附有丁公書院(祠碑記)

開慶元年己未邑人楊綱登進士仕至四川成都府知府

景定五年甲子東流縣進士章文子捨鐘一口於掘珠璣饒益寺今存

元

縣設官差一員即「達魯花赤」以蒙古人任之號為監邑王拿印務又縣尹一員漢人任之

號為司判正官掌縣事又教諭一員餘無考。

世祖

至元二年乙丑(即宋度宗咸淳元年)軍兵營寨於海獅讓殿寺里人湯致政輸錢三十貫(時每貫值銀一兩四錢二分八厘六)得免(海獅古蹟碑)

至元十四年丁丑改池州爲池州路總管府屬江浙行中書省江南道宣慰司

成宗

大德四年庚子忻都任石埭達魯花赤時承舊制歲輸秋苗二萬八千担解府上下山阪所費不貲忻都請於當道改爲輕齋民便之立宣化碑以頌德

英宗

至治元年辛酉邑人儲璠登進士授贛州倅

順宗

石埭備志彙編

大事記稿

九

至正十一年辛卯十一月趙普勝周驥等據池陽太平諸郡江西省平章政事屋吉募兵趙

銅陵克之擒周驥遂復池州分兵攻石埭諸縣

至正十二年壬辰縣衙內製錦亭懷仙樓均燬於兵

至正十三年癸巳三月十八日黑氣互天風雷大作兩物若果核閏月復兩郡中爲甚青陽

次之本邑又次之謂其實食之似松仁時陳友諒寇池州郡邑受膏之慘其甚與不甚猶

兩極之狀態以爲上天示警之驗

至正十七年丁酉明太祖以池州尙未攻克將石埭權隸宜州

至正十八年戊戌二月李文忠進取青陽石埭太平旌德皆下之四月陳友諒寇池州敵

通海尋復池州趙德勝略石埭擒友諒將錢清

至正十九年己亥三月陳友諒遣將寇甯國太平縣明胡維庸等擊敗之復寇青陽石埭張

德勝戰走之

至正二十一年庚子明太祖平池院十月以石埭屬池州改池州路爲池州府(八月改

九華府嗣復稱池州)編戶一十三里維時二都境鼓山東臨凡竹葉皆生白鹽居民每

日試取食之陵陽山下有泉一竅湧出田中味甚鹹居民煎成鹽至今猶以鹽瀆名田

至正二十四年甲辰明太祖稱吳王邑人一都胡慶以百戶從征屢著戰功授江南都指揮

使領守石埭縣食邑三千戶保障一方

明初年待考七里地屬漢明太祖遣將劉謙討之邑人桂一季率鄉兵爲先鋒戰死贈衛銳

舍人

明

本縣設知縣縣丞(後裁)主簿(後裁)成化十九年知府常顯奏復嘉靖十年仍裁(典史備

石埭備志彙編

大事記稿

十

學教授各一員訓導二員(正德年法存一員後復)廩膳增廣生各二十名附學不置類

陰陽學訓科(陰陽生六名)醫學訓科(醫生一名)僧會司僧會道會司道會各一人吏

戶總兵刑工各司吏一人典史一人承發司典史一人儒學司吏一人

太廟

洪武元年庚申陳傑任本縣知縣時學宮因元末經兵燹不存續建之八月建南京罷行

中書省本府直隸南京省

洪武三年庚戌知縣陳傑創建察院行臺於紫微坊東

洪武五年壬子知縣尹安墊砌街衢疏通溝道建立坊巷民始復業先是城內因兵燹守禦

官齋將街磚塌砌墾垣人民離散自是相繼區畫本城爲大街者二小巷者十五復有沿

溪街市貨客貿易喧盛察院落成續建學宮堂齋門廊復建城隍廟遷顯濟廟於金城山

麗今爲三聖祠明清二代每歲九月九日致祭列祀典焉

洪武六年癸丑知縣尹安創建府館三間於縣急遞舖之西

洪武十四年辛酉秋大水壞民田

洪武十九年丙寅先是在縣治東有三皇廟以醫學立至是廢

洪武二十三年庚午一都谷塔領鄉官至知州

洪武末年知縣孟常一憲撫字祀名宦

成祖

永樂三年乙酉坊市陳琳領鄉官

永樂五年丁亥十月十五日帝因仁孝皇后崩逝諭天下僧衆社會本縣備珠璣德益寺僧

與焉

石埭備志彙編

大事記稿

十一

永樂六年戊子十一都胡寬領鄉官至興國知州

永樂二十一年癸卯二都章程領鄉官至常德府學教授

英宗

正統九年甲子敕旌四都楊時遇上五都方守仁爲善民先是邑大饑守仁出賑二千五百

石時遇出穀一千五百石助賑有司以聞賜敕獎勵

景宗

景泰七年丙子坊市陳廷簡領鄉官

天順三年己卯二都章廷柱領鄉官

憲宗

成化元年乙酉一都李廷璋領鄉官

成化二年丙戌李廷璋登進士官至雲南按察司副使

成化七年辛卯八九都吳必顯領鄉官知縣徐冕去年到任修葺學宮今成殿廡門櫺堂齋

號舍煥然一新冕在任九年邑人曾立忠良祠與尹安同祀焉

成化十九年癸卯大旱

成化二十年甲辰大旱饑知縣蕭環來任事

成化二十二年丙午十二都張輝領鄉官

成化二十三年丁未吳必顯登進士官至長沙知府是年於城子山前創建紫潭書院

知縣蕭環因治南民田連兩旱不秋乃於洪口築堰一處鑿溝約三里兼蓄舊溝交流上

下民賴其利至今以蕭侯名陂

孝宗

石埭備志彙編

大事記稿

十一

弘治元年戊申歲大饑先是本縣原有縣廟急遞舖及博山急遞舖(在琉璃嶺博古橋下)

知縣蕭環詳准增設夏村與管口兩急遞舖舍以速郵傳均於三年建成

弘治三年己酉邑人李宅與孫祥建柳村石橋後爲溪水衝圯今猶僅架木橋

弘治四年庚戌張輝登進士官至福建按察司簽事

弘治五年辛亥知縣蕭環因新城隍求雨驅虎均有驗於廟內建感應亭一所

弘治九年丙辰大水出蛟壞民田廬

武帝

正德五年庚午坊市陳續領鄉官至武昌府同知

正德六年辛未歲大有

正德七年壬申夏流賊劉七劫掠江中邑人震恐已而有土寇之變無辜罹殺戮者甚衆

先是三年前曾有彗星見於西方 冬間詭言雞犬爲祟屠之殆盡

正德八年 坊市陳永芳領鄉薦

正德十一年 丙子 二都章瓊領鄉薦官至北京園子監學錄

正德十四年 己卯 宸濠太祖第十七子寧王權之裔時武宗無嗣遊幸不時宸濠久覬覦王位遂反敗後被殺于通州犯安慶江洋騷動邑有勤王之役旋即罷之

世宗

嘉靖三年 甲申 邑人陳琢輸資協助建政通橋橋在琉璃嶺下之夾溪舊名夾溪橋原址當水勢之衝易以崩圯至是遷於上流石壁間即今之博古橋民國廿四年築省屯公路折橋改建

嘉靖五年 丙戌 二月申明鄉約先是洪武繪制每里設立里社壇場一所就查本處淫祠寺

石埭備志彙編 大事記稿

十三

觀毀改爲之每里長一人於春秋二社讀抑強扶弱之約文於里內還有前德者一人爲約正有德行者二人副之依鄉約置戶籍二扇或善或惡各書一扇月朔一會是爲鄉約公所清代仍之惟名存實亡已失真意

嘉靖十年 辛卯 十二月桃李華雷鳴

嘉靖十一年 壬辰 夏飛蝗入境遮蔽天日傷禾稼

嘉靖十四年 乙未 遷儒學於西門外崇壽寺(即祝聖寺)暨文孝五顯二廟址並以舊學

建寺

嘉靖十五年 丙申 天童和尚來杉山修行精嚴從遊者衆

嘉靖十九年 庚子 七月朔日食無光六畜驚走漸暝如黑夜行人莫辨久之始復圓

嘉靖二十年 辛丑 先是社學在城隍廟左設教讀一人今改建縣南舊學明倫堂後知府何

賢卿修府志更學名曰長林書院

嘉靖二十二年 癸卯 坊市蘇檢一都舉鄧領鄉薦

嘉靖二十三年 甲辰 舉鄧登進士第五名 大旱自四月不雨至六月始雨十二月雷電

嘉靖二十四年 乙巳 春大饑夏又大旱民益饑死

嘉靖二十五年 丙午 春多雨夏大饑秋僅熟八九都歷山竹生實可萬石民皆爲食有星自西南半空流墜有聲火焰散碎入地 春杉山天童和尚先期三日下山辭檀越返山別僧衆沐浴跌坐而化

嘉靖二十六年 丁未 本縣於成化年間始創縣志至是重修

嘉靖三十一年 壬子 坊市陳遠見七都沈宗臬十二都彭時中同領鄉薦

嘉靖三十二年 癸丑 舉鄧襄試南宮旋遷浙江督學陞湖廣左布政歷任南京戶工吏三部

石埭備志彙編 大事記稿

十四

尙書北京戶部尙書年七十告休帝存問者三卒贈太子太保諡恭介歸與海瑞立一條碑徵賦之法江南至今稱便本縣之無漕糧亦自繙始

嘉靖四十年 辛酉 坊市湯希閔八九都桂伊領鄉薦

嘉靖四十四年 乙丑 湯希閔登進士仕至戶部郎中

嘉靖四十五年 丙寅 先是本縣舊設土城前後瀆溪爲門者十東門小東門西門正南門毓秀門小南門南門正北門西北門東北門本年始相地定基用磚築城爲門者五東曰來

甯西曰金城南曰儀鳳小南曰清舒北曰望華城樓五東西水關

穆宗

隆慶元年 丁卯 四都章應奎領鄉薦

神宗

萬曆四年丙子二都施大用中武舉

萬曆七年己卯七都沈國興領鄉薦坊市陳一璣中武舉

萬曆十年壬午二都唐斌十二都彭時來中武舉

萬曆十六年戊子二都唐文耀中武舉

萬曆十九年辛卯八九都桂希呂中武舉第一名

萬曆二十三年甲午桂希呂領鄉薦第二名坊市桂一驚中武舉

萬曆二十四年乙未桂希呂登武進十

萬曆二十五年丙申夏五月十五日始大雨二十二日晝夜如注二十五日平地水高四丈

衝入東南城關四野盡成江河八九都山崩水溢故道無存積屍橫野廬舍漂沒十一都

溪北一山約六七畝飛越溪南壓死男婦十四五人山上樹木如故

石埭備志彙編

大事記稿

十五

萬曆二十八年庚子坊市桂騰嶺領鄉薦仕至衡州府推官治獄詳慎修葺湘江中鼓山書

院以課諸生 二都蘇萬民中武舉

萬曆二十九年辛丑夏六月大寒人盡衣棉深山積雪不消至七月始熱八月大熱時吳越

及大江南北無不病者

萬曆三十一年癸卯一都金文光中武舉

萬曆三十二年甲辰知縣熊應煥再修縣志 金文光登武進士崇禎初以平江西九連洞

寇功授授總戎不赴明亡隱居古一山著有古一山集

萬曆三十五年丁未大水

萬曆三十六年戊申大水平地丈餘魚鱉入室沿溪田廬牛畜漂沒殆盡巡撫周孔數多方

振恤

萬曆四十三年乙卯坊市蘇來遠中武舉

萬曆四十五年丁巳江北鼠啣尾渡江月餘千萬為羣散去各色食禾稼池陂多有

萬曆四十八年庚申大疫秋西方彗星見大如斗拖白尾數十丈

光宗

泰昌元年庚申秋九月朔日申時日食無光星黃見

熹宗

天啓元年辛酉冬十一月大雪連晝夜至次年正月十六日始止民饑死者衆

天啓二年壬戌十一月地震

天啓四年甲子邑人在北京前門外大蔣家胡同大席胡同創建石埭會館 冬十月雷

天啓六年丙寅秋八月飛星大如箕西北來東南去聲如雷有流光灑落如火燄九月十六

石埭備志彙編

大事記稿

十六

日夜半一星漸入月中無影

思宗

崇禎四年癸未夏四月大雪捐榮麥

崇禎六年甲酉坊市桂仲中應天解元仲母歿廬墓庶表孝子 蘇瓊領鄉薦 十二都舒

章武舉副榜選入將材巡撫史可法調征流寇有功 時徵饒池土寇邊起創辦練結招

撫三郡連壤得以安堵

崇禎七年甲戌蘇瓊登進士官至太僕寺卿祀鄉賢 夏六月田鼠自江北浮渡而南傷稼

崇禎八年乙亥史可法分守池州太平時李自成張獻忠等分擾河南安徽各地賊象昇以

可法為副使分巡安慶池州可法破賊于潛山

崇禎九年丙子可法進駐太湖掃蕩為右命都御史巡撫安慶廬州太平池州四府 冬無冰

崇禎十年 六月李恣入南斗經兩月

崇禎十二年 江南亂言祀寇郡邑如狂

崇禎十三年 四月大雷如雪麥俱死八月飛蝗蔽天

崇禎十四年 春大饑病疫死者相枕籍時江南等處饑饉

崇禎十五年 坊市陳白勳一都陳邦簡領鄉薦

崇禎十六年 元旦冷風淒慘黑霧迷七日始止

崇禎十七年 春太白經天歷數月 清兵入北京福王即位於南京改元弘光

清(官制與明代同)

世祖

順治元年 (即崇禎十七年弘光元年)三月十九日李自成陷京師明思宗自縊於煤

石埭備志彙編

大事記編

十七

山梓宮出東門邑人湯文壇布衣憫哭齊其紳以文信國爲志觸梓宮死 程九萬誦知

池州府左參康由東流以兵攻池州九萬死之 十月清自濟陽遷都北京

順治二年 五月清僉王多鐸破南京始下蕪髮令 七月邑人武舉桂一妻陳善曾天

事等率鄉勇隨吳應箕起義白洋河抗清兵於池州兵敗應箕被執死一妻善天寧等率

兵由曹村退龍巖八月十二日清池郡守馬宏良(張自邑)嗣復本姓名率總領進至

龍巖一妻善天寧等戰歿於地嶺總兵于永綏欲屠於七都沈氏親至覆族賴宏良委曲

保全沈氏立生祠以祀之二十八日自昌至城中張榜安撫委楊可建攝縣事下令燹髮

除明季加派三餉石埭自此始入清室版圖 九月邑人舉水燹不屈投河遇救爲僧

入陵陽山終其身不履城市其他如楊其仁登樓不下陳美通入歷山山事清廷者各姓

都有 唐于朱李繼稱帝福州改元隆武

本縣編定徭役共一千五百八十八戶一萬零一百八十八人男六千七百零六人計成丁

三千六百四十九人不成丁二千零五十七人婦女三千四百三十二人奉文編審除豁免

亡人丁七百四十九人外實編二千九百丁又除優免五百四十八丁每丁徵銀三錢五

分五厘九毫七絲一忽七微六纖九沙五塵五埃

順治三年 邑人桂有燧殉唐王之難於江西撫州(乾隆四十年追諡節愍) 八月邑

人陳昭李元顯領鄉薦 全邑大飢邑人蘇際應首捐穀倡賑災 十月初十日地震

順治四年 頒大清律制編戶口法十戶立牌頭十牌立一甲頭十甲立一保長戶給印

牌齊其姓名出入註其往來寺觀旅館一體頒給凡買田地房屋增用契尾每兩輸銀三

分

石埭備志彙編

大事記編

十八

順治五年 邑人蘇際應首捐穀倡賑災 旌孝子周邦綉(上五都四甲)

順治六年 邑人胡汝淳首捐穀二百石以備賑 贛江南省爲江蘇安徽兩省安

徽領府八直隸州五石埭等六縣仍屬於池州府

順治八年 頒均田法將全縣田畝六萬一千八百餘畝均五百六十畝爲一甲地彼

注此平均攤負民無偏累 十三都舒雲龍陳聖典中武舉

順治九年 蘇汝霖登鄉忠倫榜進士 訓導顯言集合邑紳士講學於陵陽書院刊道

學正宗 始置馬田以養驛馬由部頒銀四百五十一兩七錢四分二厘五毫八絲騰田

一百畝零三分八厘餘至是里甲可免津貼之累

順治十四年 知縣高駿升重修文廟 閏六月大水 十一月雷鳴 十二月十二日

地震 邑人七都沈德載中武舉

順治十六年 明將鄭成功由崇明入江抵金陵張煌言別取德寧甯路東南大破民思

反清石球戲

順治十七年庚子知縣王太初重修文廟竣工邑人曾元升中武舉嚴禁士子結社集會 在四都境內有虎始食一僧相繼食一百八十餘人

聖廟

康熙元年壬寅考試停止八股文

康熙二年癸卯七都沈鳴珂中武舉

康熙三年甲辰邑人沈德敏登武進士 次年仍用八股文取士并免順治以前通賦

康熙五年丙午七都沈德敏中武舉是年武科新例頭場試策五道二場試四書論經論各一篇

康熙六年丁未二月知縣姚子莊條陳錢糧六弊六法釐革舊弊以歸劃一至今稱便 沈

石康備志彙編

大事記稿

十九

鳴珂登武進士

康熙八年己酉歲魏邑人湯懋廉桂友鶴等首倡捐設備振并捐銀貨新建尊經閣 七都

沈德智中武舉

康熙九年庚戌沈德智登武進士

康熙十一年壬子秋大學多十二月姚子莊頓貨賑放至次年四月始止民多德之 是年

頒聖諭十六條立碑於明倫堂 次年癸丑廷議撤藩徵調類仍吳三桂以雲南反 邑

人蘇汝霖任廣西提學十九年回京

康熙十二年癸卯坊市桂自錦七都沈德藩十一二都舒立誠中武舉

康熙十三年甲辰沈德藩登武進士

康熙十四年乙卯姚子莊重輯石康縣志八卷 五月子莊上疏稱新安衛丁地保火夫封

船五議石康自此免封船之役 八九都胡日升七都沈明敏十二都彭洪湯舉中武舉

康熙十七年戊午吳三桂即位新州國號周改元順武三桂卒其孫世璠立改元洪化江南

戒嚴

康熙二十年辛酉祀前知縣姚子莊於東門外長林書院

康熙二十三年甲子邑人彭紀舒朝模中武舉

康熙二十四年乙丑湯聖登武進士 僧海順及胡金門築修石門樓建步雲庵於嶺嶺化

峻嶺為康莊至今稱便

康熙二十九年庚午知縣趙承烈輯縣志附印於姚志原版之後 沈明敏登武進士邑

人章樂登中武舉

石康備志彙編

大事記稿

二十

康熙三十八年己卯邑人蘇鍾麟領鄉薦沈自珍舒孟嘉中武舉

康熙四十五年丙戌流沙嶺賊建巨剎曰萬緣禪林並掘石洞洞長五丈許如城門然為

吾邑大建築之一

康熙四十七年戊子彭拱登武進士陳自牧領鄉薦 五月大水四五都被災乞募打傘塔

(路名通微要道)一帶奔潰人畜流斃無算次年僧陸行鑿石築路 闕免本年丁地錢

糧又發穀賑阻又全闕次年丁地錢糧

康熙五十一年庚子知府馬世永重修池州府志 郭滋生人丁永不加賦詔 治江南科

場大獄

康熙五十二年辛巳邑人李天慶領鄉薦

康熙五十四年乙未大學自五月十三日微雨至十月雨始足一望赤地禾稼焦枯知縣朱

申報發倉大振

康熙五十六年 嚴禁傳布天主教

康熙五十七年 六月二十八日大水比四十七年只少一尺合邑被災 邑人畢玉履

領鄉薦

康熙年待考邑人蘇曜創設蘇氏文苑捐田租二百石爲此後全縣士子鄉會試卷燭之資

(按此項田租現歸縣府教育科每年收支)

康熙五十九年 邑人舒劍中武舉

世宗

雍正元年 定丁銀攤入地糧內徵收例特除開墾水田以六年起科旱田十年起科凡

有可墾之地聽人民自墾自報官吏不得勒索阻撓 嚴禁百姓代賄州縣虧空並命停

石康備志彙編

大事記稿

二十一

附例

雍正七年 設常平倉社倉令削除伴當世僕(俗呼小戶)等籍與編氓同列按戶編著

契稅每兩三分之外加徵一分爲科場經費

雍正八年 知縣蔡廷翰以城垣傾圮商議修葺事未竟以丁艱去任知縣盧百朋集款

九百餘兩補築重新城樓雉堞屹然鞏固

雍正十年 邑人楊有定領鄉薦 開除懷桐宿南涇旌石東當等縣茶引八千九百引

雍正十一年 命各省設立書院知府李璋增廣試院興秀山書院(六縣公產)勸課尤

勸

雍正十三年 邑人桂朝獻領鄉薦

高宗

乾隆元年 詔試博學宏詞坊市桂含章(著有春秋比事彙編十六卷四書益智錄二

一卷左傳類纂一卷一與試以病歸 邑人沈德馨領鄉薦 是年領十三經二十一史

於各省及府州縣學拜頒定營造尺

乾隆六年 邑人沈榮成領鄉薦 採訪遺書 次年壬戌定選拔貢生爲十二年一次

例

乾隆八年 邑人陳鳳苞張應翔蘇德音等始建文昌閣於東門外

乾隆九年 鹿孝子方成(上五都二甲)陳夢遶(上五都三甲)入祀忠義祠 次年丙

寅普免各省錢糧一次

乾隆十二年 邑人陳洪善桂作霖同領鄉薦

乾隆十四年 知縣石瑞藻續修縣志八卷未刊行而卒僅存稿前四卷民國二十四年

石康備志彙編

大事記稿

二十一

印成

乾隆十五年 邑人蘇敬領鄉薦

乾隆十七年 邑人桂聖俞李一瑞同領鄉薦

乾隆十八年 邑人沈顯領鄉薦

乾隆二十一年 知縣余模復修文廟知縣吳文濟於竣工時勸石旌忠義李用賈(字

國秀一都五甲)左離當(字匡正老三都二甲)柳世恩(字南北二都甲)孝子楊

永顯(下五都三甲)義士陳景芳(字子春市都八甲)方守仁(上五都二甲)楊

時運(四都二甲)蘇注(字時東一都七甲)入祀忠義祠(祠在文廟西隔今圮有碑

可考)

乾隆二十二年 三次南巡 詔會試易表判爲詩易經文於二場次年復於頭場增性